



Broj: 10-33-2-2210-8/14  
Sarajevo, 08.08.2014. godine

Na osnovu člana 3. stav (1) i člana 140. stav (5) Zakona o službi u Oružanim snagama BiH ("Službeni glasnik BiH, broj: 88/05, 53/07, 59/09 i 74/10 42/12"), a u skladu sa članovima 2., 20., 21., 22., 23., 24., 25., 26., i 27. Pravilnika o školovanju i usavršavanju u MO i OS BiH, broj: 13-02-3-1632/10 od 01.04.2010. godine, a u cilju izbora kandidata za školovanje na Vojnim akademijama u inostranstvu, Ministarstvo odbrane BiH raspisuje,

### **INTERNI KONKURS**

#### **za školovanje kadeta na Vojnoj akademiji Oružanih snaga Republike Grčke, za školsku 2014/2015. godinu**

**I** – Ministarstvo odbrane Bosne i Hercegovine, raspisuje interni konkurs za školovanje **jednog kadeta** na Vojnoj akademiji OS Republike Grčke, za školsku 2014/2015 godinu.

**II** – Školovanje na Vojnoj akademiji OS Republike Grčke traje četiri godine za oficire KoV-a. Pripremni kurs grčkog jezika traje godinu dana.

**Sa kandidatom koji budu odabrani za školovanje bit će raskinut Ugovor o profesionalnoj vojnoj službi, a bit će sklopljen ugovor o školovanju sa međusobnim pravima i obavezama u skladu sa važećim propisima. Odabrani kandidat imaće svojstvo kadeta, čija prava i obaveze bit će regulisane u skladu sa članovima 73., 142. i 143. Zakona o službi u Oružanim snagama BiH. Po završetku školovanja polaznik će biti proizvedeni u početni čin oficira OS BiH i primljeni u vojnu službu OS BiH u kategoriji oficira.**

### **III – UVJETI KONKURSA**

- 1. Opći uvjeti** su propisani članom 9 Zakona o službi u Oružanim snagama BiH ("Službeni glasnik BiH, broj: 88/05, 53/07, 59/09 i 74/10"):
  - a) da je državljanin Bosne i Hercegovine,
  - b) da je zdravstveno sposoban za službu u Oružanim snagama,
  - c) da nije osuđivan na безусловnu kaznu zatvora u trajanju dužem od šest mjeseci,
  - d) da nije prethodno otpušten iz državne službe ili pravnog lica, zbog povrede službene dužnosti u posljednje tri godine,
  - e) da mu pravosnažnom presudom nije zabranjeno obavljanje određenih djelatnosti, odnosno dužnosti za vrijeme trajanja takve zabrane,
  - f) da se protiv njega ne vodi krivični postupak za krivično djelo za koje se goni po službenoj dužnosti,
  - g) da ima odgovarajuću stručnu spremu potrebnu za obavljanje određene dužnosti,
  - h) da nije mlađi od 18 godina i da nije rođen prije 01.09.1992. godine.

**Napomena: Ispunjavanje opštih uslova utvrdit će komisija uvidom u personalni dosije lica koja se prijavljuju, osim uslova iz tačke (f).**

## **2. Posebni uvjeti:**

- a) dokaz o stečenoj srednjoj stručnoj spremi (original ili ovjerena fotokopija diplome),
- b) **Zdravstveni uvjeti:**
- na konkurs se ne mogu prijaviti kandidati koji boluju od asme, oboljenja pluća ili srca, te sa povredama kičme ili zglobova, alergijski rinitis,
  - da nema zaraznih bolesti,
  - da ima odličan vid i dobar sluh,
  - minimalna visina za muškarce je 170 cm, a za žene 155 cm i indeks tjelesne mase između 19 i 27 za muškarce, odnosno 18 i 25 za žene.
- c) **Fizička spremnost:**
- kandidati moraju imati dobru fizičku spremnost, te biti sposobni za nošenje tereta (opreme i rusaka),
  - fizičku spremnost provjeriti u skladu sa Pravilnikom za fizičku obuku OS BiH.
- d) dobro poznavanje rada na računaru (Word, Excel, Power Point, Internet).

**Napomena: Ispunjavanje posebnih uvjeta iz tačke a) i d), utvrdit će se na osnovu dostavljenih dokumenata i provjere znanja. Provjeru fizičkih sposobnosti prijavljenih kandidata iz tačke c) i poznavanje rada na računaru iz tačke d), utvrdit će Zajednički štab OS BiH. Zdravstveni uvjeti pod tačkom b) odabrani kandidata, bit će utvrđeni upućivanjem na ljekarski pregled.**

## **IV PRIJAVA NA INTERNI KONKURS**

U skladu sa važećim procedurama, Interni konkurs dostaviti u potčinjene komande i jedinice OS BiH, te isti objaviti na web stranici Ministarstva odbrane BiH i oglasnim pločama komandi i jedinica OS BiH.

Prijava na konkurs se dostavlja preko Zajedničkog štaba OS BiH uz dostavu tražene dokumentacije. Ispunjavanje općih uvjeta utvrdit će se uvidom u personalni dosije lica koja se prijavljuju. Prijave na konkurs potencijalnih kandidata uz traženu dokumentaciju, Zajednički štab OS BiH dostavit će Sektoru za upravljanje personalom MO BiH.

Konkurs ostaje otvoren 7 dana od dana objavljivanja. Nepotpune i neblagovremene prijave neće biti uzete u razmatranje.

## **V ODABIR KANDIDATA**

Zajednički štab OS BiH će u roku od sedam dana od dana zatvaranja konkursa, Sektoru za upravljanje personalom MO BiH, dostaviti prijave na konkurs sa traženom dokumentacijom. Odabir kandidata izvršiće komisija, koju će formirati Ministar odbrane BiH u roku od sedam dana od dana prijeme dokumentacije. ZŠ OS BiH dostaviće MO BiH prijedlog za dva lica, koja će biti članovi komisije za odabir kandidata.

Komisija će predložiti ministru odbrane jednog osnovnog i jednog rezervnog kandidata za školovanje na Vojnoj akademiji OS u Republici Grčkoj.

Dostaviti:

- ZŠ OS BiH,
- Ured za odnose s javnošću MO,
- a/a.

**MINISTAR**

**Zekerijah Osmić, dipl. oec.**